



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

2. De calumniatoribus

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

TITULUS II.

De Calumniatoribus,

Q. 1. *Quid sit calumnia & quatuorplex?* *Resp.* Cum ad hunc Titulum interpretes agunt triplici modo, quo Accusatores delinunt, *calumniando, pravaricando, tergiversando;* I. calumnia proprie dicta est delictum, quo falsum crimen alteri scienter & dolose invidiose sive contra alterum proponit, & qui id facit, dicitur calumniator. *L. 1. §. 1. ad S. C. Turp.*
 2. Si quis crimen obiectum probare non potest, dicitur calumnia *presumpta*, nisi elidatur peremptio, quod fit, dum quis vel ex necessitate obsequii denuntiat, vel saltem semiplene probat, vel accusator a testibus est deceptus, &c. imo etiam personae sunt omnino immunes a praesumpta calumniae. *Vera* autem calumnia est, si certis v. g. ex propria confessione, vel testium depositionibus constet, quod quis scienter & malevolenter de falso crimine alterum detulerit.

Q. 2. *Quanam sint poena in calumniatoribus constituta?* *Resp.* Calumniator verus (idem quae poenas dicendum esse de *presumpto* arg. c. 2. de *off. de his. qui not. infam.* tenetur ad restitutionem expensarum, omnisque damni, arg. *Constit. Carol. art. 12.* Clericus calumniose accusans clericum privandus est beneficio Ecclesiastico

relegationem in exilium. *c. 1. h. t.* Imò & pœna talionis in calumniatores statuta est *can. 2. & 3. caus. 2. q. 3. l. fin. C. h. t.* in locum tamen hujus pœnæ arbitraria successit in utroque foro, etiam post innovatam Constit. Cum primùm à S. Pio anno 1566. quia vel non ubique fuit recepta, vel per non usum abrogata.

Q. 3. Quid sit pravaricari & tergiversari?

Resp. 1. Ille dicitur *pravaricari*, qui postquam accusavit vel denunciavit aliquem de crimine, dissimulat veras delicti probationes, aut falsas admittit, ut reus absolvatur. Pœna pravaricationis est infamia juris, & alia extraordinaria, sive arbitraria. *L. 1. & 2. ff. de Pravaricat.*

Resp. 2. *Tergiversari* dicitur, qui accusationi ceptæ tergum vertit, seu desistit. Olim in pœnam erat multa. 5. librar. auri & infamia juris. *L. 3. & 4. ff. de Pravar.* hodie sublata esse dicitur, quia iudex ex officio instituit novum processum inquisitionis.

TITULUS. III.

De Simonia, & ne aliquid pro spiritibus exigatur, vel promittatur.

Q. 1. Quid sit Simonia? **Resp. 1.** Simonia à Simone Mago dicta, qui primus in Lege nova crimen hoc admisisse legitur. *Actor. 8. v. 20.*
est